



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六八一

酒邊詞八卷賭棋山莊餘集五卷 謝章铤撰

一

日慎齋詩草六卷外集一卷 李嗣元撰

一三

小梅花館詩集六卷小梅花館詞集三卷 吳廷燮撰

一九五

且巢詩存四卷 周葆濂撰

二九三

篋山詩草二卷 劉曰萼撰

三三三

邨鄢山房詩存八卷邨鄢山房駢文二卷邨鄢山房文略二卷邨鄢山房疏草二卷

甕天瑣錄一卷 趙樹吉撰

三七一

味陶軒集不分卷 吳載勳撰

五一七

章圃文蛻八卷首一卷末一卷 姜曾撰

五三五

餐花室詩稿十卷餐花室詩餘一卷 嚴錫康撰

六三七

張文節公遺集二卷 張洵撰

七〇三

小芋香館遺集十二卷 李 杭 撰

酒邊詞

賭棋山莊所
著書

光緒己丑
刊於福州

賭棋山莊酒邊詞序

賈生云天下事有可爲長太息者有可爲痛哭者蘇子云嘻笑
怒罵皆成文章雖然太息者吾知其爲太息痛哭者吾知其爲
痛哭嘻笑怒罵者吾知其爲嘻笑怒罵枚如之詞太息耶痛哭
耶嘻笑耶怒罵耶嘻笑之不已而怒罵之怒罵之又不已而太
息之太息之終不已而痛哭之嘻笑怒罵太息痛哭之俱不已
而變爲離奇恹恹綿綿愴惻之語以求容於世使世之人讀之
解此意者可與讀枚如之詞而枚如之詞可不作矣然而天下
之可嘻笑怒罵太息痛哭者自在也而枚如之詞又烏能而不
賭棋山莊集詞序

作侯官黃宗彝序

賭棋山莊酒邊詞自序

余嘗登峻嶺臨谿而坐亂松怒號幽蟲自咽奔泉向東作虎
村歌數聲起於隔岸風徐徐送入余耳余恍然若有感觸歸而
填詞所得漸多或曰其中有天籟焉或曰嘔啞嘲哢難爲聽也
道光戊申四月長樂謝章铤

乙亥重刪一過存其半凡已見聚紅榭雅集詞者亦不錄少
年銳於自見勇於譏刺其他閒情所寄皆非間道之言多存
不如少存少存不如不存然而曾用心焉欲盡去之其弗忍
矣贅疣黑子面目之病亦面目之真也使子羽遇饒蔑安知
不以爲兩美之合乎七月五日章铤記於丹芝講院

賭棋山莊集

詞序

二

賭棋山莊酒邊詞題詞

賀新涼

侯官劉家謀

芭川

不斷情根蒂數從頭騷憂雅怨總含秋意儻使人寰皆樂境那
討者般文字恐滿紙都無生氣只是天心真叵測算有才如此
非容易偏分外相摧棄 生成異樣愁腸胃汝和儂酸夢苦
一般滋味便是持杯還舞劍怎得淋漓盡致幸有此牢騷堪寄
但自酣嬉原得計怕千秋以後傷心輩又惹出許多淚
百字令

閩縣李應庚

星村

有誰知己只拔刀拍壁呵天斫地宜喚黃金臺下客萬古齊揮
清淚謂故友張亨甫際亮江上衫青月中曲嬾伊媿宮商擗漁

賭棋山莊集

題詞

一

陽三弄滿腔熱血成字 此乃吾友阿連吟吟殘醉涉筆留餘
事人道蘇辛家法在君自興之所至北固吹簫南皮喝盞更聽
銅琵琶利嚦聲我也傍牆知否偷記

滿江紅

錢唐高思齊

文樵

一瓣心香休羨那微雲紅杏展長卷抗聲長嘯幾回瓶罄漫道
輕圓兼妥帖可知微妙還清淨笑不才眉樣學夫人聲相應
溫李集人爭稱蘇辛派誰能認這兩般文字一般天性讀罷新
詞如見汝關山此去何由訊嘆滄波明月抱孤絃邀誰聽
大江東去

閩縣劉勳

贊事

填宵塊磊把無聊也付偷聲減字幸遇宣城垂法眼謂我狂言

堪喜地下阿兄當時斫劍先兄范川斫劍名斫劍合蕙心香起名山自在千

秋願勿輕棄 可惜翫麟頭麟頭填詞排遣天莫夢夢醉辜負治

安空痛哭滿紙長沙之淚且待他年風雲手鑄不愧奇男子效

翠如我描頭畫角而已效韻名

浣溪沙

宜黃符兆綸雪樵

剪雪裁雲豔此才離騷別派有餘哀蘇辛抗手見君來 醉倚

三山吹玉笛曉風殘月釣龍臺當年柳七愧俳諧

千年調

侯官宋謙已舟

風月久銷沈七百餘年矣攔盡金尊檀板未滿人意空拈紅豆

舊事從頭記冷乾坤悄江山誰崛起 抗聲絕步獨我枚如耳

賭棋山莊集題詞

二

何止偷腔秦柳嗣響姜史同源異派更欲追溫李莽蘇辛在門

牆猶弟子

百字令

長樂林天齡錫三

有才如許算古人抗手蘇辛姜史獨把性真抒妙語嚼墨淋漓

渴紙身世飄零朋歡聚散俯仰多悲喜一尊看劍眼中誰是知

已 肯說射虎屠龍少年豪氣今日銷磨矣漫向風騷尋墜緒

端合名山位置道上衣塵齋頭蠟淚曾是銷魂地有心人也伯

輿當爲情死

君真作者只嘲風弄月酒邊餘技甘向宣城低首拜屈指才人

有幾著屐風流賭棋手段都是君家事行藏難定閉門聊作長

計 况乃烽火天涯哀絲豪竹行樂爲佳耳一笑紅塵勞刮目

把臂狂歌而起無恙青衫有情綠鬢等是憐顧領讀完詞卷還

君盈把愁淚

金縷曲

閩縣陳適祺子駒

此是吾家筆自填詞之髯亡後幾人能執倉猝汝從何處得直

闖蘇辛壁壁更不蹠迦陵遺跡放出蒼茫萬古恨恣蟠天極地

撫胸臆攫而代真有力 銅琵琶誰當識任紛紛奇才儘有

深情難及但有平生情貫注老手顏唐亦得總不在虛聲徒襲

我見已真行不逮恨斯人竟先吾心獲我欲霸羣應畫

君勿悲歌罷我絕憶梁生禮風雨聯牀五夜雲黑如盤魑魅笑

賭棋山莊集題詞

三

拍案狂呼燈炮恨四海人才蓋寡一別梁生經半載到今宵始

與君情話梁早說宣城謝 天之期汝非聊且莽紅塵自雕龍

虎任呼牛馬不見高冠千百輩腐鼠嚇鵬同化我好作千秋計

也儻少文章身後事縱紛紛命運胡爲者聰明誤君休怕

掩卷躊躇甚甚漫天饕風虐雪孤花獨孕昂首風雲思起舞胸

首更憂貧病況滿目江山蓬梗痛哭萬言容易耳欲傷時又駭

旁人聽覺積塊口銜鯁 感恩知己誰能並有劉君當年巨眼

同心共命一片飛鸞山上月俯仰平生猶認想汝也淒涼怎奈

古有鍾俞今豈罕我爲伊清淚飄難盡友得此豈非幸

逝者如斯耳臥長江怒濤澎湃滿天霞綺擲筆瀟頭歸一笑且

破無聊而已我絕叫臂君而喜東駕蓬山呼好月醉萬花顏色
娥池裏願萬歲樂如此 天邊雨又蕭蕭矣黯高吟篝燈無伴
遇心千里窺竹舍中玫瑰好汝可臨風低倚莫苦把牢愁料理
明發江頭同買棹共徐陵劉向雙知已再痛飲豪談起

金縷曲學集中體

侯官鄭守廉 仲瀾

短鬢飛蓬葆問枚如致身卿相而今甯早知汝心猶天上月一
片流光皓皓攬多少古今愁抱何日旗亭來畫壁倩雙鬢唱出
君全稿看絕妙人傾倒 十年悔走長安道只兩事山林鐘鼎
迄無一可骨肉飄零文字厄判向風塵終老計以後行藏皆左
落拓九哥嗟已死對烏山也合思量我終不似相逢好

賭棋山莊集 題詞

四

金縷曲效集中體

南康謝質卿 蔚青

那有埋憂地向人間將歌代哭非癡非醉聞嶠煙花燕市月一
任水流雲滯祇博得狂名如沸酒國詩城隨去住放吟魂字留
閒遊戲問誰識箇中意 青門快把春風袂趁長宵調宮按羽
剪燈無寐似此清才猶不遇愧我塵寰虛寄更羞說烏衣門第
落落吾宗衰歇久望東山事業君其繼請善養浩然氣
滿江紅辛未春夏暢讀枚如酒邊詞十卷胸次頓開步集間韻
以誌佩服 閩鄉張樹葵 聽菴

鼎食鐘鳴問幾日不成寂寞沒來由功名富貴只填溝壑我
文章終不朽君家壁壘誰能薄擊青萍大唱酒邊詞燈花落

展長卷連番讀煮酒渾忘濁把肝腸盪洗年來一樂坎壈半
生能鍊骨塵沙四海休睜目彼蒼蒼有意老雄才何嘗錯
金縷曲 濰縣張 僖 韻舫

洗盡箏琶耳擅詞場飛揚跋扈古今能幾青眼高歌塵世窄拈
劍時聞斫地肯銷滅元龍才氣老去宣城奇句在問蒼天莽莽
誰知已渾欲把唾壺碎 雄文久樹驕壇幟向尊前縱橫寄興
便超姜史鏗發華鯨無細響樂府何人解是寫一片掣雲心事
斗酒飛肩風雨快溯平生磊落輕餘子浮大白爲君醉
金縷曲 錢塘張景祁 韻梅

醉撥銅琶壯是前身金星夢裏酒星天上吳市簫聲燕市筑讓
賭棋山莊集 題詞 五

此豪情激宕笑賭句旗亭爭長喝月倒行揮水斷算詞壇青兕
眞飛瑤絃裂裂帛衆山響 沈香舊事空懷想料無緣龍巾拂
內家傳唱一掬傷心才子淚瀉入蒲萄綠漲便化作滄溟鯨浪
劍氣橫霜銀燭短任瓊壺擊缺無人賞杯在手莫教放

賭棋山莊集 詞目錄

卷一

長短調二十五闕

卷二

長短調四十一闕

卷三

長短調三十四闕

卷四

長短調五十闕

卷五

賭棋山莊集 詞目錄

長短調六十五闕

卷六

長短調三十九闕

卷七

長短調三十九闕

卷八

長短調一百一十二闕

賭棋山莊集 酒邊詞一

長樂謝章鉅校如

賀新涼

夜與黃肖巖

宗彝

談東漢人甚歡時肖巖將遊永安行期已

迫

僕本狂生耳卻無端長歌當哭時愁時喜二十年來談節義熱
血一腔而已況青眼又逢吾子慷慨相期成底事算英雄總要
輕生死天下事擔當起男兒聲價甯朱紫說甚麼倚馬雄詞
雕蟲小技元禮林宗如可遇定作千秋知己磨折慣風波由爾
天地生才原有用著精神打點留青史方不愧稱名士

賭棋山莊集 詞一

此去君知否算蒼天一番仁愛玉成吾子愈鍊才華真愈出他
日施爲基此願且把離愁束起人世更番成泡幻那古來豪傑
何曾死心中事須料理淩波一棹風煙裏撒不下相知三載
相思千里亦曉經年原小別怎奈余情難已況未發欄衫利市
潘鬢絲絲看已近問生平歸著如何矣拔長劍斫江水
西施

懷劉芑川

家謀

時在甯德

相逢酒市淚痕搓慷慨發狂歌秋風雙臂長劍幾摩挲多事劍
郎苦作傷心語熱血著人多如今無計相思驟登高望奈愁
何離雲一角慘綠鎖關河引鶴齋頭料想當高卧怕有夢經過

范川寓齋
名曰引鶴

歸田樂

前題

執手長亭路想當時伴君西下我把斜陽妬歌也痛哭也醉也
愁也黯黯雲山離離樹如飛輻子去怎曉回頭魂銷處輕波
吹皺風起花如霧行一送者七計日四計程三百八尺藤箋斷
腸句

獻衷心

前題

接雙魚漆出血淚絲絲珍重意時念之將空山荷鋪踏月采元

賭棋山莊集

詞一

二

芝無露骨勿見角蘊清奇狂變恨熱成癡當風一葉受風欺

使奇花綴綵何補枯枝從今後描擁腫付支離清勿露骨奇無見角范川書中

話也

憶王孫

前題

不合瑤琴終日抱彈一曲一番煩惱幾回挂壁更無聊風過也

聲聲好劉郎遲汝逢萊道借妙手煙霞再造伯輿終竟死於

情鋤不盡王孫草

賀新涼

寄李少棠

敬

我本多情者這一絲回環不斷眉頭心下細雨黃昏人去後最

是難捱此夜有無限愁魔暗惹勉強拋他他又起似金城鏑就

無些罅心中事從何寫當時識字真非也把古人愁懷恨境

合同而化甚事干卿卿自苦痛飲讀騷聊且作達語大都是詐

三十年華風樣過卻鈴鈴獨抱千金價怎教我肝腸眼

虞美人

一灣流水山如霧迷卻相思路池臺盡處草萋萋人在寒蛩聲

裏向風啼孤燈照眼都成淚還恐伊憔悴錦衾繡枕不成情

獨倚危樓看月到天明

賀新涼

賭棋山莊集

詞一

三

閩縣李光瑚字亦珊仕廣州別駕以家難歿於官妻蔡氏殉

之其友仲振履爲之填雙鴛詞院本甚悽惋哀之而作

苦雨淒風夜把這卷長吟一片數行泣下夫婦人間多似蟻似

汝淒涼蓋寡儘辛苦艱難都罷委曲求全還未得況無端貝錦

工嘲罵心中痛誰能寫肝腸寸斷顏凋謝卻猶將綱常二字

時時認者爲婦爲兒無一可此罪千秋難赦說不出淚痕盈把

博得旁觀稱苦節想君心聽此淒悲咤真不願如斯也

浣溪沙

一紙魚書遠道來幾番讀罷又重開書中微意要人猜上說

驚花逢苦雨下言池館長蒼苔不提離別更堪哀

醉春風

默向東風嫁忍把南雲罵人前都說不相思許許眼角遲留
心頭恍惚意中牽挂願與鴛鴦化長傍芙蓉罽雙眉照鏡最
分明畫畫爾許年華者般人影那番情話

羅敷媚

撩人心緒西風緊愁也添時病也添時獨倚空牀懶起時自
家情緒自家縮神也瞞伊鬼也瞞伊夢裏模糊道著伊
酷相思

夜雨孤燈鳴促織葉簌簌空階積問若此幽芳誰愛惜汝愁也
無人識汝病也無人識卿似芳魂儂似魄不必論形迹算爲

賭棋山莊集 詞一

汝情絲牽百尺一語也千金值一笑也千金值

蘇幕遮

月如鉤波似鏡已字欄邊隱約雙身並私語最妨人竊聽未說
今生先把來生訂想當初思究竟儂喚鸚哥卿效鸚哥應笑
折花枝來作證儂命如花卿與花爲命

八聲甘州

招諸同好飲西園倚醉賦

忽聲聲暮角出江城萬里下長風請君抽寶劍儂搥羯鼓秋氣
橫空無那懷人拚酒天際叫歸鴻我從從之去南北西東不
盡悲歡恩怨盡一情所結千語難窮嘆百年世事只是夕陽紅

要爭些男兒聲價莫令人吳下喚阿蒙君聞否三江五嶺鐵騎
倥傯

賀新涼

讀少棠詞有感

無計將天補便媧皇重來鍊石難禁風雨門外愁雲深幾尺匹
馬佳人西去算世上曾無佳處駭女癡男原是福畧聰明便覺
無窮苦還說甚神仙侶這身拚化長亭樹更化爲鷓鴣鷓鴣
離魂叫住十二瓊樓花似繡攜手惟余與汝恨明月又來相妬
情話不勝雙影落惹紛紛下界停眸覷他又起浪猜語

憶秦娥

賭棋山莊集 詞一

寓齋見月

五

空庭雪斷雲時漏斷腸月斷腸月南飛烏鵲一聲淒絕百年
怎得哀歌歇雙心怎曉愁時節愁時節長途長夜孤燈孤客
空房怯枯腸欲共枯燈絕枯燈絕夢中恍恍見伊鳴咽寒風
作響窻紗裂寸心暗把愁絲結愁絲結百般珍重當時曾說
賀新涼

枕

眼角眉尖泥漬榮榮淚痕偏大粉痕還細擁被添香枯坐慣拋
向空牀空際想當日金釵墜髮隱出紅腮花幾點快連宵聚首
河山誓留不住眞無計百年好夢今宵寤怎瞞他相思耳熱

相憐目睽交頸鴛鴦雙影重輾轉中間先微看微笑秋波微開
攬臂驚郎消瘦甚緊香肩不與橫肱替長共此便君惠

水調歌頭

贈織女

矯首望天闊數片晚風柔不知織女那樣情話對牽牛便算一
年一日十二萬年之內已得幾千秋如此老夫婦豈有別離愁
雲黯黯山渺渺水悠悠可憐三百里外少婦倚高樓賤子如
今卅歲不解齊眉舉案能鼓古稀不大笑看河鼓歸去莫遲留
滿江紅

寄葉與端

滋壽

賭棋山莊集

詞一

六

杯酒相逢算三載生平知已攜手道多情如汝人間有幾我聽
斯言真欲涕一腔舊恨誰能理請君坐彈鋏爲君歌君其喜
南飛鵲東流水勞勞者滔滔矣問利那世界英雄誰是罵世爭
先摹阮籍憐才不管輸陳起向當年屈賈說傷心謊而已
珍重之情尙不在區區名士祇今日風聲鶴唳那堪如是千古
功名爭衛霍五言文字輸蘇李稟孺生當日有終軍奇男子
釣龍處高臺毀樂遊曲聲未已看無諸宮闕煙塵四起天地生
春時雨後江山如夢斜陽裏把酒杯憑弔越王墳危欄倚
長亭怨

月

歷多少盈虧時節更向愁人十分皎潔幾度推窗三更坐地難

拋撇私情脈脈暗欲向吳剛說光景未團圓便玉斧難修此缺

飄瞥有南飛歸鳥孤影橫風明滅關山一色想其下有人鳴

咽且長跪細訴嫦娥賜靈藥同居瓊閣他道是偷來恐汝清高

不屑

憶情娥

五鼓不寐月光隱隱上窗隙起挑殘燈潑墨填此

殘更盡一奩明月懸新鏡懸新鏡無人梳洗不如收竟離情

一樣遙相證怨山怨水傷春病傷春病溫存非我誰知心性

珍珠簾

賭棋山莊集

詞一

七

七夕會飲有懷芑川肖巖

牽牛花發秋深處數佳期恰向銀河西去慙却到神仙尙不忘

兒女此際嫦娥應有恨恨難得團圓如汝何苦又織起離愁一

天風雨當日酒榼詩筒倚爪筵乞巧幾番歌舞含醉拜雙星

結有情僞侶猶鼻空懸人已往莽關山相思何許河鼓爲寄語

歸來鵲橋留與

賭棋山莊集

酒邊詞一

賭棋山莊集 酒邊詞二

長樂謝章鉅枚如

長亭怨

登金山塔院

算二度國邊折酒一月垂天萬山窺牖看劍哀歌當年此際同
吾友而今往矣空折得離亭柳柳已綠成陰欲齊上江樓能否
回首那馮夷起舞睽睽雙眸如斗腥臊海氣莫染卻蓬萊八
九問誰是占住龜頭眞宰屠龍妙手何日快澄清爛醉騎鯨
西走

虞美人

賭棋山莊集 詞二

遲寄書人不至

離愁欲寫偏無字況少傳書至遙天黯淡上黃沙獨自闌干斷
續數歸鴉想伊不忍將儂罵耳熱孤燈夜涼風陳陳更無情
吹出故鄉月色向人明

滿江紅

答李星村

應庚

無賴西風把秋氣吹人這樣我欲向天門一訴天高無量醉後
吟君金縷曲填胸酒挾愁根上憶騎龍昨夜看蓬萊狂風浪
淒涼地將花葬蒼茫地將雲放作一番癡想雄心又壯狗尾甯
爲隨俗計虎頭空負封侯相那瀟陵醉尉猛相詞亦其當

酒邊詞

賀新涼

余來春有甯德之行留別劉筠川 永松

三載稱知己算當年墨莊別業一席相逢伊始夏課論文陪驥
尾潮俗無聊而已過八月槐黃了矣恰好九哥燕市至 令兄向
西州破屋投名紙兄及弟交遊起乃攜石鼓山頭履著侵晨
臺江買棹煙波十里東冶黃生巖時在坐形穢我方自恥卻謂
我才華可喜撩我生平心事熱弄雄情看劍秋風裏知之者程
夫子 程石夫 玉英

以後離情起屈英才照盤首宿興文邊鄙 芭川司 訓甯德 我以前人相

砥礪謝鄭風流未已 吾鄉鄭六亭兼才謝退谷 金鑾俱以教諭樹績於時亦謂我雄心勿

賭棋山莊集 詞二

死有弟切磋還汝藉算關情第一今惟此言未既淚如水而

今此景又非矣 來春我將北去雲山迤邐况復沙溪人已遠
自巖在 從此賞音誰是最難舍石林齋裏 與 端佳日春秋須好句
沙縣 壯詞壇刁斗邀程李 星村 珍重也健男子 芭川有海濱 健男子章

更漏子

雨疎疎風索索一片傷心樓閣人影隻燭花單羅衣徹夜寒

斷蟲吟孤雁語添出許多酸楚雲黯淡樹模糊家山認得無

一葉落

飲連蜷閣

眼角覷心頭訴此時只望有風雨遠山滑滑泥卿卿怎能去怎

龍去又得幾天住

生查子

垂柳倚雙橋舊是耶來處芳草忽無情緣向雙橋去 不醉病
懨懨細想緣何故小妹尙酣嬉亂把飛紅數

滿江紅

旅宿白鶴嶺

強捉楊花使化作浮萍飄去況生質如斯薄弱風波難據匹馬
騎雲山不斷孤燈夢雨家何處看濃陰海濤帶長天迷鄉樹
青青眼將誰覷錚錚骨將伊妒况茫茫塵土銷魂已屢萬古勞
人甯有盡老天離恨猶如許喚王喬控鶴共飛昇瑤京住

賭棋山莊集

詞二

滿江紅

忽發狂歌被酒後其聲欲裂更隻眼看天而笑天方苦熱入夜
英雄君似鼠當秋消瘦吾如蝶問悠悠千古爲誰哀哀豪傑
千金劍摧爲鐵萬金駿徒餘血算身後浮名生前塵劫畢竟些
須留亦好不然半世空磨折但如今事業愧傳人怎堪說

霜天曉角

花朝

一簾春透人近花朝瘦十二畫闌西畔風聲急吹紅豆 苦雨
狂時候隔窗燈火缺獨坐宵深無語偷解下金錢逗

賀新郎

芭川書問近狀並故鄉近事填此代札

不見三年矣便一年幾封魚雁添愁而已訪戴南來君又去如
此緣慳何以愧孤負生平知已打疊千般思細說卻紛紛心下
從何起孤燈夜離愁裏 昔君訂囑言凡幾謂千金之軀善保
勿爲情死別後滄桑經屢變安得開懷而喜擬幾度移書報爾
天壤茫茫多恨事算勞生猶是尋常耳欲提筆書又止

昔日同遊子便無聊銷愁詩酒平安差喜第一黃生腸欲斷兩
鬢蕭疎餘幾那老屋三間屢徙弟死家貧身又病況雲山無賴
還千里歸來後仲秋起 淒涼歲事殘冬裏看黃昏滿天風雪
何方乞米苦調欲彈彈不出翻盡宮商角徵問究竟移情誰是

賭棋山莊集

詞二

我到傷心無可語卻背人搵淚青衫底想今日又行矣

四

世事茫茫裏發哀歌唾壺擊碎看天而起畫角秋風吹落日海
水揚塵千里那蕭管夜深有幾官府催租聲不斷誤幾家紅粉
飄零死樂遊曲猶佳耳 近來令弟精詩理忽傍山鄂踰堂架
並招葉子人謂吟臺光祿再惜我無能及此我偏想臺江之李
一世才名差不惡卻看山看水傷知已真可笑無聊矣 星村時從余問
芭川嘆平生可笑無聊之至星村滿江紅句也吾鄉
光祿吟臺在省城光祿坊先輩詩有介結詩社之處
未見飛鷺水便傳聞春風化雨一門桃李更道昂藏多健骨不
但能文而已我想此君心詎喜十載買絲思補袞卻無端續幌
稱針黹問始願豈如是 况君隔歲雙魚裏曾有言蒼茫獨立

同心者幾竭力支撐纔一二未盡區區便止君聽我別陳一言
不愧古人君已可更文章價重三都紙如僕者真堪恥

御街行

膽瓶花片因風轉絳縷爐煙軟滿庭竹葉傍窻飛無數蟲鳴
孤館月痕如練隔簾人道天近清明暖無情瘦骨無心管訴
往事春光晚銷魂第一是青山山遠人兒尤遠銀燈屢撥欲留
孤影作我宵深伴

浪淘沙

暮雨又霏霏歸鳥南飛欄干拍徧半邊歌瞥見落紅牆角底幾
縷遊絲消瘦想容肌不耐羅衣羌無言語皺雙眉流水一清

賭棋山莊集 詞二

五

山一曲有箇人兒

前調

見月

未缺總成光流照他鄉一春花事要隄防七寶閣邊都是暈最
怕風狂冷露滿霓裳回首蒼茫人兒只會射鳥強畢竟舊恩
忘不得奔後無郎

賀新涼

爲芭川題張亨甫 際亮 九曲泛月圖

慷慨張平子把哀歌提醒一世如今已矣不得見君吾甚恨得
見諒稱知已想寫此無聊而已平日多愁綠底事卻蒼茫託興

酒邊詞

思山水更何論畫神理 劉郎愛汝真無比抱山陽千秋舊痛

淚痕未止殘墨護持如拱壁紙尾留題有幾但九曲近來何似
蟻賊紛紛爲窟宅聞采茶聲斷虹橋裏看長卷傷心起

卜算子

帶醉着歡衣笑作男兒拜一寸芳心不自由都向秋波賣卜
妹太嬌慙學說相思話忽傍檀郎念妾詩真把人羞壞
摸魚兒

貽故鄉諸同好

廿日來銷魂難數量愁應滿三斗當時一笑吞明月跣足科頭
攜手曾記否是那處旗亭帶醉狂歌走而今難又只孤館孤魂

賭棋山莊集 詞二

六

孤燈孤客孤坐五更後 停雲外曲曲春山如繡故人應有話
舊酒邊偶爾離心起未必雙眉不皺重懸首恐瘦骨無多凝血
皆紅豆枯腸迴九況杜宇聲中一天風雨吹盡舊花柳

點絳脣

網起殘紅蛸蟬也解憐香趣心頭如霧忘卻銷魂句 絕好春
光可惜成虛度鶯啼處愁絲千縷恨不纏伊住

虞美人

見紅梅有感

恰如國色春風裏薄醉驕羅綺遠山濃淡染雙眉忽憶箇人梳
洗此花宜 粧臺近日平安否吹盡樓頭柳戴花人更比花妍

最苦今宵燒燭對花眠

南鄉子

夜風四號有感於心

海氣撼邊城海若驅風萬里行似訴似吟還似答分明中有深
閨惜別情無柰不成更無賴寒蟲唧唧聲一縷離魂吹欲墜
心驚瘦骨年來分外輕

采桑子

心頭輾轉渾無着纔要畫眉又欲熏衣百樣思量總不宜
干卿甚事偏如許花氣微微日影遲遲瘦到腰肢不自知

蘇幕遮

賭棋山莊集

詞二

七

月深深人悄悄窸窣梁間餓鼠帶聲敲獨夜偏長天未曉恐照
孤眠故撥燈光小末如何終不了來去心頭百樣添煩惱一
片離聲風際裊昨日金籠纔養相思鳥

百字令

清明

春光似箭看鶯嬌蝶嬾清明又到梨樹陰陰聞故鬼如訴如啼
如禱南國家山杜鵑滴血緣遍王孫草滿城苦雨柳條橋際飛
掃卻憶張籍當時酒邊戲語百樣添煩惱寒食西風吹點淚
此際纔為情好一別六年夜臺無雁信何從討孤遊已屢箇
人曾否知道故友張君任如歿六年矣日余與君泛論及交際
君笑曰清明肯洗我點淚方見好也越一年而君

摸魚兒

芭川歸自福甯置飲填此奉呈

問千秋知音者幾半生無過劉九相逢一笑都如夢不住傷心
攜手平視久認窗外梅花傲骨經霜有枯燈漸黯喜引鶴山齋
懷勝水榭常共夜深酒青缸劍孤負長年塵垢解衣拋付屠
狗裝魚挂壁惟其便未必能留不朽心想又把光彩銷沉何以
關讒口添衣短後便鐵塞鸞弓金川捧檄裏革僕能走

猛見君挑燈一笑目光四射如弩低頭拍案呼而起此際熱腸

難數將我戲謂十載京華衣上皆塵土英雄無主算伴食中書

賭棋山莊集

詞二

八

焚香晝寢安用力如虎斯言出一痛雄心俱沮雖然我為君
舞乾坤莽莽知何意豈子安能千古君莫苦且濁酒幾杯休負
今宵賭江山如許看海市迷離風花出沒不樂亦何補

惜花陰

送春

他鄉不識春何處忍把春光數春色已闌珊春雨春風滿地飛
春絮丁甯春趁家山去為向春閨訴春病那人兒一寸春心
都被春愁據

消息
題芭川小照作挂劍欲拔狀

三復斯言
無腹痛耶

獨立秋風雙眸如電蕭疎華髮七尺安歸千金自買萬感心頭
發拔難見頑癩還苦蝕真把尊拳惱煞無如何張華去矣光采
幾人能說 君方惆悵我更蒼茫第一情根難割半世狂歌幾
番醉舞斫地皆成血無多瘦骨無端熱淚拚與風塵摧折怎忍
道健兒意氣殺人寸鐵

摸魚兒

望月

莽闌山蒼茫一髮清光無賴如許長生閱盡盈虧恨便做嫦娥
何補君算否自過了今宵幾日還三五吳剛最苦伴妖兔無靈
癡蟾不偶寂寞共千古 真何意更把桂花錮住秋香不到下

賭棋山莊集 詞二

九

土搔頭醉後鄉心緊數徧瓊樓玉宇將伊訴那碧海青天伊且
愁無侶乘風歸去看淺淺一灣箇儂恍佛露出舊眉嫵

金縷曲

寄少棠

記否葦葭閣向酒邊行期末問歸期先約又道年來蒙汝愛但
汝愛余真錯竟聽汝他鄉飄泊宇宙雖寬知已少算從今規勸
誰能著況心病原難藥 離亭柳絮風蕭索恨無端送人北去
雲山太惡當日相知嫌不密今日相思方覺汝珍重腰肢瘦削
晏起早眠加餐飯那傷心文字休多作言不盡淚先落
此意濃於酒真令人無窮悲感心頭欲嘔我比杜鵑聲裏坐一

酒邊詞

世閒愁不了痛三歲麻衣著後地下飄零慈母線算外家愛我
如君少那知已同吾友謂已 雄才今日何人有嘆圍棋東南
劫急悲涼國手彈指滄桑還似此何況饑驅奔走只百樣期君
知否未得君書時盼望得一書夢寐添煩擾君與我誰不朽
蝶戀花

題寄內書後

誰解忘情如太上把汝心頭日夕長供養消瘦雙身應一樣羅
衾摸偏大難亮 來日姻緣今日長汝看離人夫婦多無恙留
得有餘真穩當果然愛我休惆悵

行香子

賭棋山莊集 詞二

十

亂響風聲亂叫蟲聲更雨聲時重時輕寒陰一尺瘦影三更天
黯黯人悄悄夜清清 將寐偏驚欲坐還行寸心兒無自分明
誰堪說恨未解忘情夢昏昏身怯怯淚盈盈

摸魚兒

莽乾坤愁雲萬里悲涼甯獨一我紛紛閣上凌煙畫三十不侯
爭可低首坐把天壤許多恨事看人做想來未妥便幾字文章
自誇李杜都是拾餘唾 今而後心病休相摧挫頭巾聊且擲
破功名二字尋常耳十載驚心烽火斷飯顆真無策救時只合
長窮餓惜哉此座間如許昂藏欲居何等吾笑秀才慵
水調歌頭

一三